



UN BISTA BÈK RIBA AÑA 2025



Apertura di Mahalo Bowls & Rolls na Boneiru



KvK Bonaire a organisá un seshon di informashon pa Asoslashon Chines na Boneiru, den kolaborashon ku HBN Law & Tax

Apertura di Mahalo Bowls & Rolls na Boneiru

Tiffany Dorand, ganadó di KvK Academy 2023 (Tanki di Tribon), a habri su restorant nobo “Mahalo – Bowls & Rolls” den sentro di siudat. KvK Bonaire ta sigui stimulá empresariado na nos isla. [Les mas](#)

KvK Bonaire a organisá un seshon di informashon pa komunidad chines na Boneiru, den kolaborashon ku HBN Law & Tax

KvK Bonaire i HBN Law & Tax a organisá un seshon di informashon pa komunidad chines na Boneiru. Jorik Julsing i Lucas Drissen a duna splikashon tokante ABB, impuesto riba salario (loonbelasting) i impuesto riba bien inmóbil (vastgoedbelasting) i tokante e kambionan mas importante pa aña 2025, kaminda Jiamin Wu a tradusí tur kos. E empresarionan chines a haña hèrmèntnan práktiko pa nan asuntunan di impuesto. [Les mas](#)

Eksitoso treinen di dos dia tokante Merkadeo i Komunikashon na enkargo di Sentro pa Empresariado

Sentro pa Empresariado di KvK Bonaire a organisá un treinen di dos dia tokante merkadeo di komunikashon pa e partisipantenan na e programa di Sentro pa Empresariado. E seshonnan a brinda empresarionan ku ta kuminsando konosementu práktiko den strategianan di merkadeo, determinashon di grupo di enfoke i komunikashon efektivo, ku ehersisionan interaktivo pa fortifiká nan marka i nan aserkamentu di merkado. [Les mas](#)

Eksitoso seshon di ‘speeddate’ entre dunadónan di trabou i profeshonalnan hòben na Boneiru

KvK Bonaire a organisá un eksitoso seshon di ‘speeddate’ entre dunadónan di trabou i profeshonalnan hòben. E evento a ofresé empresanan ku tin vakatura na nivel di HBO oportunidad pa hiba kòmbersashon personal ku nos talentonan hòben i pa interkambiá eksperensia tokante reklutashon i regreso na nos isla. E enkuentro a stimulá konekshon i kompartimentu di konosementu balioso. [Les mas](#)

Eksitoso Mishon Komersial ‘Dutch Caribbean Meets Panama 2025’

E mishon komersial “Dutch Caribbean meets Panama 2025” tabata un éksito. Empresarionan for di Karibe Hulandes a bishitá Panama pa eksplorá oportunidatnan komersial, edificá ret i stimulá kolaborashon. E programa a enserá bishita na vários empresa, algun enkuentro di ret i diferente presentashon tokante komèrsio i posibilidat di invershon entre ámbos region. [Les mas](#)

Enkuentro di informashon tokante IAB (dekreto di estableimentu i aktividat BES) pa e sektornan di hóreka i konstrukshon

Den kolaborashon ku Entidat Públiko Boneiru, KvK Bonaire a organisá dos enkuentro di informashon relashona ku e reglanan nobo di medio ambiente. Tur dos enkuentro di informashon a enfoká riba empresanan di hóreka i konstrukshon. E empresarionan a haña informashon práktiko, nan por a bai den kòmbersashon ku ekspertonan i sera konosí ku solushonnan ku ta bon pa medio ambiente. E partisipantenan a risibí e enkuentronan na un manera positivo. Nan ta forma un promé paso eksitoso den dunamentu di informashon struktural na e sektornan akí. Ku esaki KvK Bonaire a aportá na mas konsientisashon tokante medio ambiente, mas kolaborashon i un operashon empresarial mas sostenibel na Boneiru.

KvK a organisá enkuentro pa sektor di konstrukshon huntu ku Entidat Públiko Boneiru (departamento di Planifikashon i Desaroyo)

KvK Bonaire a organisá algun enkuentro pa e sektor di konstrukshon huntu ku Entidat Públiko Boneiru. E empresarionan a deliberá tokante desafionan aktual, kolaborashon i oportunidatnan den e sektor. E meta tabata kompartimentu di konosementu i fortifikashon di kolaborashon mutuo pa sigui desaroyá konstrukshon na Boneiru mas aleu. [Les mas](#)

Eksitoso treinen di dos dia ‘Kon mi ta skirbi un plan di negoshi’ na enkargo di Sentro pa Empresariado

Sentro pa empresariado a organisá un treinen di dos dia ‘Kon mi ta skirbi un plan di negoshi’. Paso pa paso e partisipantenan a siña kon pa formulá un bon plan di negoshi, inkluso strategia, finansa i ehekushon, pa na un manera eksitoso kuminsá ku nan empresa òf pa laga esaki krese. [Les mas](#)



INFORMATIEPUNT
Milieu

Enkuentro di informashon tokante IAB (dekreto di estableimentu i aktividat BES) pa e sektornan di hóreka i konstrukshon



Kámara di Komèrsio Boneiru a tene un tayer di konsientisashon finansiero pa studiantenan di MBO durante Global Money Week



KvK Bonaire a duna presentashon durante e siman di

KvK Bonaire a tene un tayer di konsientisashon finansiero pa studiantenan di MBO durante Global Money Week

Durante Global Money Week, KvK Bonaire a tene un tayer di konsientisashon finansiero pa studiantenan di MBO. E seshon a enfoká riba oumento di konosementu tokante asuntunan di sèn i komportashon finansiero responsabel, pa prepará nos hóbennan mas mihó pa nan futuro. [Les mas](#)

KvK Bonaire a duna presentashon durante e siman di konosementu di Entidat Públiko Boneiru

Durante e Siman di Konosementu di Entidat Públiko Boneiru, KvK Bonaire a duna un presentashon tokante empresariado i kon pa kuminsá un empresa propio. E seshon a brinda informashon i vários tep práktiko pa inspirá i sostené nos habitantenan na momentu di kuminsá ku un empresa. [Les mas](#)

Partisipantenan di Sentro pa Empresariado a sigui treinen di Excel patrosiná pa MCB Bank Bonaire

Partisipantenan di Sentro pa Empresariado a sigui un treinen di Excel ku tabata na enkargo di MCB Bank Bonaire. E treinen a brinda abilidadnan práktiko pa manehá dato i informashon finansiero, komo sosten pa nan trabou di empresario. [Les mas](#)

Eksitoso tayer di Ofisina Sentral di Estadístika (CBS) Hulanda Karibense “Di Dato pa Konosementu: Kon bo ta usa dato i na unda bo ta haña esaki?”

Empresarionan a siña kon nan por haña datonan estadístiko i usa esakinan efektivamente pa nan operashon empresarial i nan toma di desishon. E seshon a ofresé tepnan práktiko pa konbertí dato den konosementu balioso. [Les mas](#)

Seshon balioso di informashon ‘Insights by RVO’, tokante subsidio i instrumento

KvK Bonaire, huntu ku RVO (Rijksdienst voor Ondernemend Nederland – Servisio di Reino pa Hulanda Empresarial) a organisá un seshon di infor-

mashon “Insights by RVO”. Empresarionan a haña splikashon tokante e supsidionan i instrumentonan ku ta disponibel pa fortifiká nan empresa i pa hasi uso di oportunidatnan pa kresementu. E seshon a brinda informashon i konseho práktiko pa empresarionan lokal. [Lesa mas](#)

KvK Bonaire a tene tayernan inspirativo tokante empresariado pa MBO nivel 2 i 3 na SGB Boneiru

Na SGB Boneiru, KvK Bonaire a tene algun tayer inspirativo tokante empresariado pa studiantenan di MBO nivel 2 i 3. E seshonnan a stimulá pensamentu empresarial i nan a ofresé tepnan práktiko pa ora di kuminsá ku un empresa propio. [Lesa mas](#)

Luna di Maneho di Rekursu Humano (HRM): ‘Kòmbersashon di planifikashon’

E promé seshon di e luna di HRM a enfoká riba tenementu di kòmbersashon di planifikashon. Dunadónan di trabou a haña konosementu i vários tep práktiko pa hiba kòmbersashon na un manera efektivo i enbolbí nan empleadonan ku planifikashon di meta i desaroyo. [Lesa mas](#)

Luna di Maneho di Rekursu Humano (HRM): prosesonan di Rekursu Humano

Durante e enkuentro akí e empresarionan a haña tepnan i strategianan práktiko pa mehorá nan maneho di personal i nan komunikashon interno. E seshon a ofresé konosementu den kon empresanan por hasi nan prosesonan di Rekursu Humano mas efisiente i kon nan por sostené nan empleadonan mas mihó. [Lesa mas](#)

Luna di Maneho di Rekursu Humano (HRM): Maneho di Rekursu Humano


Akí nan a profundisá mas den optimalisashon di prosesonan di Rekursu Humano, kreamentu di un ambiente di trabou positivo i fortifikashon di enbolbimentu di empleadonan. E meta tabata pa sostené empresanan ku profeshonalisashon di nan maneho di Rekursu Humano. [Lesa mas](#)



Eksitoso tayer di CBS Caribisch Nederland ‘Di dato pa konosementu: Kon bo ta usa dato i na unda bo ta haña esaki?’



Luna di Maneho di Rekursu Humano (HRM): ‘Kòmbersashon di mal notisia’



Guia pa empesarianan ku ta interesá den un Kiosko na Parke Isidel

Luna di Maneho di Rekurso Humano (HRM): Kon pa hiba kòmbersashon di mal notisia

E enkuentro akí a brinda e empresarionan konosementu i vários tep práktiko tokante kon pa anda ku kòmbersashon di mal notisia i evaluashon malu. [Lesa mas](#)

Bishita di sekretario di estado Zsolt Szabó na KvK Bonaire

Sekretario di estado Zsolt Szabó a hasi un bishita di trabou na KvK Bonaire. El a haña un rekorido den ofisina di KvK Bonaire, el a sera konosí ku e klima empresarial lokal i el a bishitá dos partisipante di Sentro pa Empresariado. E empresarionan akí a kompartí nan eksperensianan, di manera ku direktamente for di e fuente e por a haña informashon tokante e desafionan i oportunidatnan pa empresarionan ku ta kuminsando na Boneiru. [Lesa mas](#)

Guia pa empesarianan ku ta interesá den un Kiosko na Parke Isidel

KvK Bonaire a informá empresarionan tokante e posibilidat pa hür un kiosko na Parke Isidel. KvK Bonaire a duna nan guia ku nan plan di negoshi i kon nan por registrá i kua ta e pasonan ku ta nesesario pa optené un kiosko i kon nan por manehá esaki eksitosamente. [Lesa mas](#)



Kick-Off pa Sentro pa Empresariado 'The Next Step'

Kick-Off pa Sentro pa Empresariado 'The Next Step'

KvK Bonaire a organisá e Kick-Off pa e programa di Sentro pa Empresariado 'The Next Step'. E enkuentro a trese empresarionan eksistente i eksperensiá huntu, ku a partisipá na e programa pa stimulashon di kresementu di nan empresa. Pa medio di kapasitashon, coaching i hèrmèntnan práktiko, e partisipantenan na e programa akí ta haña konosementu tokante kon nan por hasi e siguiente paso den kresementu ku nan empresa. E meta ta kresementu i profeshonalisashon di empresanan lokal. [Lesa mas](#)

Evento di ret pa empresarionan ku ta kuminsando, kaminda nan ta topa ku empresarionan eksperensiá.

Sentro pa Empresariado a organisá un evento spesial pa empresarionan ku ta kuminsando, kaminda por a konektá nan na empresarionan eksperensiá ku por sirbi komo mèntòr pa nan. [Lesa mas](#)

KvK Bonaire ta stimulá empresariado serka hóbennan durante aktividat di 'Buki di Prèt'

KvK Bonaire a stimulá empresariado serka nos muchanan durante e aktividat di Buki di Prèt. Ku tayernan interaktivo i informashon práktiko, e muchanan a siña kiko ta tur e kosnan ku mester hasi ora di kuminsá ku un empresa propio i a enkurashá nan pa pensa na un manera empresarial. [Lesa mas](#)

Bishita di Ministerio di Asuntunan Ekonómiko i Klima na KvK Bonaire

Ministerio di Asuntunan Ekonómiko i Klima a hasi un bishitá na KvK Bonaire. Durante e bishita nan a papia tokante e klima empresarial, e desafionan pa empresanan lokal i e posibilidatnan pa stimulá kresementu ekonómiko na nos isla. [Lesa mas](#)

KvK Bonaire a kontribuí na e Festival di Siudadania di Buro Hebe

KvK Bonaire a partisipá na e Festival di Siudadania ku Buro Hebe a organisá, ku e masterclass 'Empresariado den enseñansa' ku tabata na enkargo di KvK Bonaire. E seshon a introdusí pensamentu empresarial i inovativo den enseñansa a base di Design Thinking i esaki a keda risibí positivamente. E personal di enseñansa a mustra hopi curiosidat i interes, loke ta nifiká ku por konsiderá e masterclass komo eksitoso. [Lesa mas](#)

Evento di follow-up: Konektá e islanan BES ku Colombia, Panama i Repúblika Dominikana

Durante un evento di 'follow up' empresarionan i organisashonnan a papia tokante e pasanan di kontinuashon pa hasi negoshi ku Colombia, Panama i Repúblika Dominikana. E inisiativanan ta enfoká riba komèrsio, logístika (e grupo di trabou ta ranka salí na kuminsamentu di aña 2026) i eventonan regional, entre otro 'Business Close to Home' ku Aruba i Kòrsou den aña 2026. E evento a klousurá ku 'networking' i kompartimentu di konosementu. [Lesa mas](#)



Kámara di Komèrsio a kontribuí na e Festival di Siudadania di Buro Hebe



Evento di ret pa empresarionan ku ta kuminsando, kaminda nan ta topa ku empresarionan eksperensiá.



Evento di follow-up: Konektá e islanan BES ku Colombia, Panama i Repúblika Dominikana



Entrante 1 di òktober 2026 ta prosená e kódigonan nobo di SBI outomátikamente den Registro Komersial

Empresarionan di e sektor di Heavy Equipment ku ta okupá nan mes ku sakamentu di greis, ta uni forsa i ta hiba kòmersashon ku Entidat Públiko Boneiru

A stimulá empresarionan di e sektor di Heavy Equipment na Boneiru pa lanta un asosiasion di sektor pa aktua konhuntamente den direkshon di gobièrnu i di nan klientenan. Mas aleu Entidat Públiko Boneiru a duna splikashon di e reglanan nobo relashoná ku sakamentu di greis i a skucha punto di bista di e empresarionan akí i a deliberá tokante esaki. Banda di e reglanan nobo nan a papia tambe tokante preis hustu, sakamentu di greis na un manera responsabel i redestinashon di e burakunan di greis.

[Les mas](#)

Entrante 1 di òktober 2026 ta prosená e kódigonan nobo di SBI outomátikamente den Registro Komersial

Na aña 2025 KvK Bonaire a prepará su mes pa implementashon di kódigonan nobo di SBI entrante 1 di òktober 2025. A prosená e kódigonan akí ku ta basá riba un Klasifikashon Standart di Empresa (Standaard Bedrijfsindeling – SBI) di Ofisina Sentral di Estadístika (CBS), outomátikamente den Registro Komersial, di manera ku empresarionan mes no tabatin mester di tuma ningun akshon. E empresarionan a risibí informashon tokante esaki via email i den kaso di pregunta òf kambio, nan por akudí na KvK Bonaire. [Les mas](#)

Promové uso di nos portal online

Pa medio di diferente video di instrukshon a dediká atenshon na kon fásil i efisiente uso di nos portal online ta pa empresarionan.

KvK Bonaire ta partisipá na 'Feria di Trabou' i ta promové empresariado
Den luna di òktober 2025 KvK Bonaire a partisipá na 'Feria di Trabou', un feria importante di trabou i karera ku Plenchi di Trabou a organisá. Durante e evento akí KvK Bonaire a promové empresariado komo un alternativo duradero pa empleo tradishonal. Banda di un tayer interaktivo, e bishitantenan a haña informashon práktiko tambe tokante kon pa kuminsá un empresa, entre otro formanan hurídiko, inskripshon den Registro Komerisial i e promé pasonan den direkshon di empresariado. Banda di esaki KvK Bonaire a hiba kòmbersashon personal ku partisipantenan ku ya kaba tabatin sierto ideanan, loke a resultá den vários sita di kontinuashon pa sigui guia nan mas aleu ku elaborashon di nan plannan. [Les mas](#)

Enkuesta tokante trayekto di supsidio

Den estrecho koperashon ku Servisio di Reino pa Hulanda Empresarial (Rijksdienst voor Ondernemend Nederland – RVO), KvK Bonaire a tene un enkuesta tokante e trayekto di supsidio pa haña un bista di e eksperensianan i nesesidatnan di empresarionan. E enkuesta a enfoká riba empresanan lokal ku ta hasi uso di òf ku ta interesá den supsidio. E iniciativa ta resultado di e deseo pa mehorá e trayekto i sinkronisá esaki mas mihó ku práktika. Ta bai hasi uso di e resultadonan pa den futuro hasi sosten i e prosesonan relashoná ku supsidio mas efektivo i mas aksesibel pa e islanan BES. [Les mas](#)

Kapasitashon 'Técnika di benta' ta inspirá empresarionan ku konosementu práktiko

Den luna di òktober 2025 KvK Bonaire a organisá un eksitoso kapasitashon di 'The Next Step' tokante téknika di benta, kaminda empresarionan a haña konosementu práktiko den aserkamentu di kliente. Banda di e treinernan di strategia di benta, empresarionan eksitoso ku diferente aserkamentu di benta tambe a kompartí nan eksperensianan tokante relashon duradero ku kliente, ku e empresarionan ku a partisipá. [Les mas](#)



Kámara di Komèrsio Boneiru ta partisipá na 'Feria di Trabou' i ta promové empresariado



Kapasitashon 'Técnika di benta' ta inspirá empresarionan ku konosementu práktiko



Eksitoso tayer, aksesibilidat digital, futuro di empresariado karibense

Eksitoso tayer, aksesibilidat digital, futuro di empresariado karibense
KvK Bonaire a organisá un tayer tokante aksesibilidat digital, ku enfoke riba hasi empresanan karibense resiliente pa futuro. E seshon a brinda konosementu práktiko tokante kon empresanan por hasi nan presensia online mas aksesibel pa tur usuario, inkluso hende ku limitashon. E tayer a aksentuá importansia di strategianan digital inklusivo i e la mustra kon aksesibilidat por kontribuí na kresementu i satisfakshon di kliente. [Lesa mas](#)

KvK Bonaire a partisipá na trayekto di ‘Biahe di kliente’


KvK Bonaire a partisipá na e ‘Biahe di kliente’ ku RCN a inisiá, ku enfoke riba mehorashon di eksperensia di kliente. Empleadonan a sigui diferente seshon i kapasitashon, entre otro mèneder di biahe di kliente. Banda di esaki a kuminsá internamente ku anáalisis i identifikashon di e biahe di kliente. Den aña 2026 ta sigui traha riba esaki. [Lesa mas](#)

Balioso webinar di Successfully ‘Hasi bo organisashon resiliente kontra atake sibernétiko’

KvK Bonaire a organisá un webinar tokante siguridat digital: ‘Hasi bo organisashon resiliente kontra atake sibernétiko.’ Empresarionan a haña vários tep práktiko pa evitá atake sibernétiko i pa protehá nan datonan empresarial mas mihó. E seshon a pone énfasis riba importansia di medidaan preventivo i konsientisashon pa salbardiá kontinuidat di empresa. [Lesa mas](#)

Seshon di informashon akclarativo ‘Hasi negoshi digitalmente i seif – di riesgo pa oportunidad’ ta mustra empresarionan kon digitalisashon ta akselerá kresementu

KvK Bonaire a organisá un seshon di informashon ‘Hasi negoshi digitalmente i seif: di riesgo pa oportunidad’. Empresarionan a siña kon digitalisashon no ta bini solamente ku riesgo, pero ta ofresé oportunidad pa kresementu tambe. E seshon a duna diferente hèrmènt práktiko tambe pa traha online na un manera seif, i pa hasi uso stratégiko di instrumentonan digital pa desaroyo di empresa. [Lesa mas](#)



Balioso webinar di Successfully ‘Hasi bo organisashon resiliente kontra atake sibernétiko’

Seshon di informashon tokante resiliensia sibernétiko den era di Inteligencia Artifisial (AI)


KvK Bonaire a organisá un seshon di informashon tokante resiliensia sibernétiko den era di digitalisashon i Inteligencia Artifisial (AI). E empresarionan a haña konosementu di e riesgonan digital aktual i di strategianan práktiko pa protehá nan empresa. E seshon a aksentuá kon digitalisashon seif no solamente ta limitá riesgo, pero ta ofresé oportunidat nobo tambe pa kresementu i inovashon. [Lesa mas](#)

A klousurá KvK Academy 2025 ku Tanki di Tribon i sertifikashon festivo

KvK Bonaire a klousurá KvK Academy 2025 ku e evento Tanki di Tribon, kaminda empresarionan nobo a haña oportunidat pa presentá nan empresa dilanti di un hurado eksperto i independiente. Tres ganadó a keda koroná durante e final di Tanki di Tribon: Jurdine Felix (Flavorful Moment), spesialisá den fiesta i selebrashon di mucha; Ragnhild Isabella (Huma Trading), ku su Humá-Bar-B-Kiú e ta trese sabor i kultura boneriano huntu den un eksperensia di barbekiú; i Ludvarina Valerio (La Belle Soirée), ku ta krea eksperensianan romántiko na bich òf na otro sitionan spesial. Durante un anochi festivo KvK Bonaire a hasi entrega di sertifikado na 38 partisipante na KvK Academy. E enkuentro akí a aksentuá kresementu di e empresarionan i importansia di desaroyo kontinu den e empresariado lokal. [Lesa mas akí](#) i [akí](#)

Seshon di informashon ‘Stop Being Your Business, Start Building One’ a duna empresarionan un empuhe pa kresementu

Hopi empresa ta muchu dependiente di e empresario, di manera ku e empresario tin ora asta no por tuma distansia pa vakansi òf pa malesa, òf no tin kurashi pa hasi esaki. KvK Bonaire a organisá un seshon di informashon inspirativo ‘Stop Being Your Business, Start Building One’. E empresarionan a haña konosementu di kon nan por laga nan empresa krese pa medio di traha stratégikamente riba struktura, proseso i eskalabilidad, na lugá di ta kompletamente dependiente di nan propio esfuerso. E seshon a brinda hèrmèntnan práktiko pa move di un ròl operashonal pa un ‘mindset’ empresarial. [Lesa mas](#)





Seshon di informashon 'Stop Being Your Business, Start Building One' a duna empresarionan un empuhe pa kresementu

Bishita di trabou Sekretario di Estado di Partisipashon i Integrashon Jurgen Nobel

Huntu ku KvK Bonaire, e sekretario di estado i su delegashon a hiba diferente kòmersashon tokante entre otro señalnan for di den vèlt di trabou, oumento di e sueldo mínimo legal i e reglanan di siguridat den sektor di konstrukshon. Nan a hiba e kòmersashonnan akí ku representantenan di e asosiashon 'Bouw Bonaire', e asosiashon di ofisinanan di accountancy i di ofisinanan di konseho tokante impuesto, i un kontratista pa kende oumento di e sueldo mínimo legal tabatin un impakto grandi.

ANUNSIO PÚBLIKO | Elekshon di direktiva

Den luna di desèmber KvK Bonaire a tene elekshon di direktiva. Resultado di e elekshon di direktiva ta konsistí di e direktiva nobo: presidente Jeaniro Balentien, vise presidente Judy Diaz, tesorero Ottmar Martie, miembro di direktiva 1 Leonard Domacassé i miembro di direktiva 2 Hans Els. [Lesa mas](#)

'KvK Art Exhibition Christmas edition'

KvK Bonaire a organisá e di tres edishon di KvK Art Exhibition, e biaha akí den forma di un edishon di Pasku. E evento a brinda artistanan lokal un plataforma pa presentá nan obra i a stimulá kreativitat i konekshon dentro di nos komunidat. E asistensia eksitoso a aksentuá importansia di arte i kultura komo parti di empresariado na Boneiru. [Lesa mas](#)



KvK Art Exhibition Christmas edition